



Na osnovu člana 13. i 38. Statuta Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“, br. 28/11) i Odluke o izmjeni Statuta Fonda za profesionalnu rehabilitaciju i zapošljavanje osoba sa invaliditetom broj: OPU-IP 1694/2014 od 15.12.2014. godine, a u skladu sa Uredbom sa zakonskom snagom o ustanovama (“Sl. list RBiH”, br. 6/1992 i 8/1993), članom 10a. stav (1) tačka a) i 18. Zakona o javnim nabavkama Bosne i Hercegovine („Službeni glasnik BiH“, broj: 39/14, 59/22 i 50/24), poglavljem VIII Računovodstvenih politika Fonda broj: 05-02-2-16896/23 od 29.12.2023. godine, Odlukom o odobravanju nabavke prostorija za smještaj Fonda za profesionalnu rehabilitaciju i zapošljavanje osoba sa invaliditetom sa sjedištem u Sarajevu („Službene novine Federacije BiH“, br. 47/24), Pravilnika o procedurama u postupku nabavke službenih prostorija za smještaj Fonda za profesionalnu rehabilitaciju i zapošljavanje osoba sa invaliditetom Federacije Bosne i Hercegovine broj: 04-02-2-11484/24 od 07.10.2024. godine i Saglasnosti na provođenje procedure nabavke prostorija za smještaj Fonda za profesionalnu rehabilitaciju i zapošljavanje osoba sa invaliditetom Federalnog ministarstva rada i socijalne politike broj: 06-31/14-2180/23 JP DJ od 24.09.2024. godine, Upravni odbor Fonda za profesionalnu rehabilitaciju i zapošljavanje osoba sa invaliditetom na 51. sjednici održanoj dana 07.10.2024. godine *objavljuje*

## JAVNI POZIV ZA NABAVKU SLUŽBENIH PROSTORIJA ZA SMJEŠTAJ FONDA ZA PROFESIONALNU REHABILITACIJU I ZAPOŠLJAVANJE OSOBA SA INVALIDITETOM FEDERACIJE BOSNE I HERCEGOVINE

### I PREDMET JAVNOG POZIVA

Fond za profesionalnu rehabilitaciju i zapošljavanje osoba sa invaliditetom Federacije Bosne i Hercegovine (u daljem tekstu: Fond) ima potrebu za trajnim rješavanjem pitanja adekvatnog smještaja, odnosno kupovinom adekvatnog poslovnog prostora za administrativne potrebe institucije.

Nabavka/kupovina poslovnog prostora je izuzeta od primjene Zakona o javnim nabavkama BiH (“Službeni glasnik BiH”, broj: 39/14, 59/22 i 50/24) u skladu sa članom 10a. stav 1. tačka a) Zakona o javnim nabavkama, kojim je propisano da su od primjene odredbi Zakona o javnim nabavkama izuzeti sticanje, najam ili zakup, bilo kakvim finansijskim sredstvima, zemljišta, postojećih građevina ili druge nepokretne imovine ili prava koja se njih tiču, uz obavezu ugovornog organa da osigura transparentnost te procedure.

Predmet ovog Javnog poziva je prikupljanje ponuda za nabavku/kupovinu poslovnog prostora za smještaj Fonda za profesionalnu rehabilitaciju i zapošljavanje osoba sa invaliditetom Federacije Bosne i Hercegovine u Sarajevu.

Procijenjena vrijednost javne nabavke iznosi 5.128.205,13 KM (slovima: petmilijonastotinudvadesetosamhiljadadvijestotinepet KM i 13/100) bez uračunatog PDV-a, odnosno 6.000.000,00 KM (slovima: šestmiliona KM i 00/100) sa uračunatim PDV-om.

Za poslovne prostore za koje je plaćen PDV, i ne podliježu plaćanju PDV-a procijenjena vrijednost je 6.000.000,00 KM (slovima: šestmiliona KM i 00/100).

## **II USLOVI ZA KVALIFIKACIJU KANDIDATA/PONUĐAČA TEHNIČKA SPECIFIKACIJA PROSTORA**

Karakteristike koje prostor za smještaj Fonda za profesionalnu rehabilitaciju i zapošljavanje osoba sa invaliditetom sa sjedištem u Sarajevu mora posjedovati:

1. Ukupnu površinu prostora najmanje 900 m<sup>2</sup> do 1.200 m<sup>2</sup>;
2. Prilagođen ulaz za osobe sa invaliditetom;
3. Da je objekat/prostor u useljivoj fazi;
4. Da objekat/prostor mora biti prilagođen za administrativne potrebe;
5. Ukoliko se radi o dvoetažnom / višespratnom prostoru obavezno mora imati lift;
6. Da objekat/prostor posjeduje ne manje od 20 odvojenih kancelarija;
7. Da objekat/prostor ima minimalno 6 toaleta od kojih su dva muška, dva ženska i dva prilagođena za osobe sa invaliditetom;
8. Da objekat/prostor posjeduje šest parking mjesta od kojih su dva prilagođena osobama sa invaliditetom (u sklopu objekta);
9. Da se u blizini objekata/prostora nalazi parking;
10. Da je objekat/prostor novije gradnje, izgrađen nakon 2000. godine;
11. Maksimalna udaljenost objekta/prostora od zgrade Vlade FBiH 2 km;
12. Blizina objekta/prostora od tramvajske pruge 800 m;
13. Da objekat/prostor ima termo fasadu sa energetske certifikatom minimalno klase A;
14. Da objekat/prostor ima obezbijeđeno centralno grijanje i klima uređaje;
15. Napajanje strujom u prstenu (dvostrano) – alternativno napajanje strujom;
16. Objekat/prostor mora da bude priključen na vodovodnu, kanalizacionu, internet mrežu;
17. Minimalno dva internet provajdera sa dovedenom optičkom infrastrukturom;
18. Mogućnost za instalacije krovne antene;
19. Da objekat/prostor ima instaliranu automatsku vatrodojavu;
20. Da objekat/prostor ima alternativni izlaz u slučaju nužde;
21. Da objekat/prostor koji je predmet ponude nema skrivenih tereta, stvarnih tereta, te da su riješena sva imovinsko-pravna pitanja, da nije opterećen pravima trećih lica ili bilo kojim drugim teretom;
22. Da vlasnik prostora sa drugim pravnim ili fizičkim licem nije zaključio predugovor ili ugovor o prodaji poslovnog prostora;
23. Da objekat/prostor ima sve upotrebne dozvole;
24. Ukoliko se radi o bračnoj stečevini ili suvlasništvu, neophodno je da je supružnik/suvlasnik za prodaju poslovnog prostora saglasan sa prodajom;
25. Da je rok za preuzimanje objekata/prostora 90 dana od dana potpisivanja kupoprodajnog Ugovora;
26. Da objekat posjeduje predispozicije za ugradnju agregata (na krovu ili podrumu sa izgrađenim dimnjakom koji je više visine od krova zgrade).

## **III SADRŽAJ PONUDE**

Ponuda mora sadržavati naziv, ime i tačnu adresu/kontakt telefon kandidata/ponuđača i ime odgovornog lica ponuđača i drugi podatke na popisanom Obrascu za cijenu ponude sa finansijskom ponudom (cijenom) koji je prilog Javnog poziva, ovjeren i potpisan od strane kandidata/ponuđača. Ponuđena cijena se izražava u KM (konvertibilnim markama) za 1 m<sup>2</sup> površine objekta/prostora (sa pripadajućim objektima i parking prostorom ukoliko pripadaju ponuđenom prostoru) u skladu sa obrascem koji je dat u prilogu Javnog poziva i dokazima za kvalifikaciju;

#### IV DOKAZI ZA KVALIFIKACIJU

Ponuda mora da sadrži sljedeću dokumentaciju:

1. Ovjerena i potpisana specifikacija priloženih dokumenata (sadržaj) sačinjena po rednim brojevima sa naznakom ukupnog broja priloženih dokumenata;
2. Zemljišno-knjižni izvadak za ponuđeni poslovni prostor, sa upisanim ponuđačem kao vlasnikom istog, izdat od strane nadležnog Zemljišno-knjižnog ureda Općinskog suda u Sarajevu, ne stariji od 15 dana od dana predaje ponude u formi originala;
3. Posjedovni list, izdat od nadležne Općinske službe sa upisanim ponuđačem kao posjednikom, ne stariji od 15 dana od dana predaje ponude u formi originala;
4. Kopiju katastarskog plana sa ucrtanim objektom izdat od nadležne Općinske službe, ne stariji od 15 dana od dana predaje ponude u formi originala;
5. Ovjerenu fotokopiju upotrebne dozvole izdate od nadležnog organa;
6. Izgled objekta (fotografije objekta – vanjskog i unutrašnjeg prostora u boji u formatu A4);
7. Tlocrt prostora, najmanje jedan presjek prostora sa izračunom bruto i neto površine objekta;
8. Original izjavu ovjerenu kod nadležnog organa (notar ili općina) da objekat/prostor posjeduje 6 parking mjesta od kojih su dva prilagođena osobama sa invaliditetom (u sklopu objekta);
9. Original izjavu ovjerenu kod nadležnog organa (notar ili općina) da sa drugim pravnim ili fizičkim licem nije zaključio predugovor ili ugovor o prodaji poslovnog prostora;
10. Original izjavu kandidata/ponuđača da objekat koji je predmet ponude nema skrivenih tereta, stvarnih tereta, te da su riješena sva imovinsko-pravna pitanja, da nije opterećen pravima trećih lica ili bilo kojim drugim teretom. Izjava se daje pod punom materijalnom i krivičnom odgovornošću, a potpis ovlaštenog lica /ponuđača ovjerava se kod nadležnog organa (notar ili općina);
11. Original ovjerenu izjavu kod nadležnog organa (notar ili općina) koja će sadržavati kratak opis objekta:
  - tačnu adresu,
  - opis povezanosti sa saobraćajem,
  - spratnost,
  - podatke o površini objekta,
  - podatke o nivou infrastrukturne opremljenosti objekta (priklučci za električnu energiju, vodovod, kanalizaciju, grijanje i internet mrežu, klima uređaje i dr.)
  - podatke o parking prostoru,
  - i drugu tehničku opremljenost;
12. Original izjavu o izmirenim svim režijskim troškovima/obavezama sa potvrdama;
13. Original ili ovjerena kopija potvrda da su svi računi za struju, vodu, odvoz smeća i druge relevantne troškove u vezi sa [navesti adresu ili objekat] uredno izmireni do [navesti datum ili period, npr. do kraja navesti datum];
14. Ovjerena kopija važećeg Zapisnika o obavljenom servisu vatrodojavnog sistema / atesta u skladu sa članom 48. Zakona o zaštiti od požara i vatrogastvu („Službene novine FBiH“ broj 64/09);
15. Ovjerenu kopiju Ugovora/Potvrde ili ekvivalenta kojom se dokazuje da objekat/prostor ima napajanje strujom u prstenu (dvostrano) – alternativno napajanje strujom;
16. Ovjerenu kopiju Ugovora/Potvrde ili ekvivalent kojom se dokazuje da objekat/prostor ima dva internet provajdera sa dovedenom optičkom infrastrukturom;
17. Original ili ovjerenu kopiju energetskog certifikata minimalno klase A za termo fasadu objekata/prostora;
18. Original ovjerenu izjavu da objekat posjeduje predispozicije za ugradnju agregata (na krovu ili podrumu za izgrađenim dimnjakom koji je više visine kod krova zgrade);

19. Pored navedene dokumentacije ukoliko je vlasnik objekta:

a) Fizičko lice obavezno dostavlja:

- Dokaz o identitetu fizičkog lica - Ovjerenu kopiju lične karte, ne stariju od 15 dana od dana zatvaranja Javnog poziva;
- CIPS-ovu potvrdu o mjestu prebivališta (originali ne starije od 15 dana od dana zatvaranja Javnog poziva);
- Ukoliko se radi o bračnoj stečevini ili suvlasništvu, neophodna saglasnost supružnika/suvlasnika za prodaju poslovnog prostora;

b) Pravno lice obavezno dostavlja:

- Aktuelni izvod iz sudskog registra ili ekvivalentni dokument o registraciji pravnog lica, koji izdaje nadležni sudski ili drugi organ, original ili ovjerena kopija, ne stariji od 3 (tri) mjeseca od dana zatvaranja javnog poziva);
- Izvještaj o računima poslovnog subjekta iz jedinstvenog registra računa poslovnih subjekata u Bosni i Hercegovini koji izdaje Centralna banka Bosne i Hercegovine, ne stariji od 30 (trideset) dana od dana zatvaranja Javnog poziva;
- Izvještaj o historiji statusa računa poslovnog subjekta iz jedinstvenog registra računa poslovnih subjekata u Bosni i Hercegovini koji izdaje Centralna banka Bosne i Hercegovine, ne stariji od 30 (trideset) dana od dana zatvaranja Javnog poziva;
- Original potvrdu poslovne banke kandidata/ponuđača da njegov GLAVNI transakcijski račun nije bio u blokadi u prethodnih 6 (šest) mjeseci. Potvrda poslovne banke ne smije biti starija od 30 (trideset) dana od dana zatvaranja javnog poziva;
- Original ili ovjerenu kopiju Uvjerenja Suda Bosne i Hercegovine da ponuđač u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu s važećim propisima u Bosni i Hercegovini ili zemlji u kojoj je registriran – ne stariji od 3 mjeseca, računajući od momenta predaje ponude (mjerodavan je datum izdavanja dokumenta);
- Original ili ovjerenu kopiju Uvjerenja nadležnog suda prema sjedištu kandidata/ponuđača da ponuđaču u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca – ne stariji od 3 mjeseca, računajući od momenta predaje ponude (mjerodavan je datum izdavanja dokumenta);
- Original ili ovjerenu kopiju Uvjerenja nadležnog općinskog suda prema sjedištu kandidata/ponuđača da ponuđač nije pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu s važećim propisima u Bosni i Hercegovini ili zemlji u kojoj je registriran – ne stariji od 3 mjeseca, računajući od momenta predaje ponude (mjerodavan je datum izdavanja dokumenta) - dostavljaju samo pravna lica (ili fizičko lice sa registrovanim obrtom - ekvivalent);
- Original ili ovjerenu kopiju Uvjerenja nadležne Porezne uprave, prema sjedištu kandidata/ponuđača da je ponuđač ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosne i Hercegovine ili propisima zemlje u kojoj je registriran (uvjerenje da nema duga po osnovu javnih prihoda) – ne stariji od 3 mjeseca, računajući od momenta predaje ponude (mjerodavan je datum izdavanja dokumenta) - dostavljaju samo pravna lica ili fizičko lice sa registrovanim obrtom;
- Original ili ovjerenu kopiju Uvjerenja Uprave za indirektno/neizravno oporezivanje BiH da je ponuđač ispunio obaveze u vezi s plaćanjem indirektnih poreza, u skladu s važećim propisima u Bosni i Hercegovini ili zemlji u kojoj je registriran - ne stariji od 3 mjeseca, računajući od momenta predaje ponude (mjerodavan je datum izdavanja dokumenta) - dostavljaju samo pravna lica ili fizičko lice sa registrovanim obrtom. Ponuđači koji se ne nalaze u sistemu indirektnog oporezivanja dostavljaju original ili ovjerenu kopiju Uvjerenja Uprave za indirektno/neizravno oporezivanje BiH da se isti ne nalaze u sistemu indirektnog oporezivanja.

Napomena: U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektne poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze;

- Saglasnost skupštine ili drugog nadležnog organa društva (ukoliko je primjenjivo) o prodaji imovine društva.

**Napomena: ukoliko je ponuđač (pravno ili fizičko lice) suvlasnik nekretnine koju prodaje neophodna je saglasnost za prodaju svih suvlasnika nekretnine. Ponuđač kao jedini vlasnik, odnosno kao suvlasnik sa svojim dijelom i ostalim suvlasnicima, moraju biti sa udjelom vlasništva 1/1.**

## **V PRAVO UČEŠĆA**

Pravo učešća po Javnom pozivu imaju pravna i fizička lica – vlasnici ponuđenog prostora, a koji svoje ponude dostave u predviđenom roku sa traženom dokumentacijom.

Fond zadržava diskreciono pravo da sa ponuđačima koji su dostavili prihvatljivu ponudu, odnosno ponudu koja ispunjava uslove iz Javnog poziva, obavi pregovore o ponuđenoj cijeni ili drugim uslovima, a prije donošenja konačne odluke o kupovini poslovnog prostora.

Komisija će izvršiti obilazak prostora kvalifikovanih ponuđača u cilju provjere ispunjavanja uslova u upotrebnom, funkcionalnom, estetskom ili bilo kom drugom smislu za adekvatan smještaj Fonda i obavljanje administrativne djelatnosti, što je kandidat/ponuđač dužan omogućiti, a sve utvrđeno koristiti u daljem toku postupka u cilju njegova okončanja, odabirom najpovoljnije ponude ili poništenja.

## **VI KRITERIJ ZA IZBOR NAJPOVOLJNIJE PONUDE**

Kriterij za izbor najpovoljnije ponude za nabavku poslovnog prostora je „najniža cijena“ prihvatljive ponude u bilo kojem segmentu, shodno objavljenom Javnom pozivu.

Prihvatljiva ponuda shodno Javnom pozivu je ponuda koja ispunjava uslove iz predmeta ponude Javnog poziva u upotrebnom, funkcionalnom, estetskom, finansijskom ili bilo kojem drugom smislu.

Alternativne ponude po ovom Javnom pozivu nisu dozvoljene.

Vrednovanje prihvatljivih ponuda vršit će imenovana Komisija.

Fond zadržava pravo da ne prihvati ponudu koja u finansijskom, funkcionalnom, upotrebnom, estetskom ili bilo kojem drugom smislu ne zadovoljava uslove utvrđene Javnim pozivom.

Ponude iznad maksimalne procijenjene cijene neće biti uzete u razmatranje.

## **VII ROK I NAČIN DOSTAVE PONUDA**

Prijem ponuda je na adresi Fonda – ul. Vilsonovo šetalište broj 10, 71 000 Sarajevo.

Rok za prijem ponuda iznosi **15 (petnaest)** dana računajući od dana objave Javnog poziva u dnevnim novinama i Službenim novinama Federacije BiH, do 12:00 sati (**krajnji datum za prijem ponuda u Fond je 24.10.2024. godine do 12:00 sati**).

U razmatranje će se uzeti samo ponude koje su stigle najkasnije do krajnjeg roka za prijem ponuda određen ovim Javnim pozivom. Sve ponude koje pristignu poslije naznačenog roka, bez obzira kada su poslone, neće biti uzete u razmatranje i iste će biti vraćene na adresu ponuđača, neotvorene.

Ponuda za kupovinu poslovnog prostora se mora dostaviti zapečaćena na adresu Fonda – ul. Vilsonovo šetalište broj 10, 71000 Sarajevo sa naznačenom punom adresom i nazivom ponuđača i naznakom „**Ponuda za nabavku poslovnog prostora Fonda u Sarajevu - NE OTVARAJ**“.

Komisija će otvoriti ponude, konstatovati da li blagovremeno pristigle ponude zadovoljavaju tražene tehničke, pravne i druge kriterije tražene ovim Javnim pozivom;

Sve ponude pristigle u krajnjem roku određenim ovim Javnim pozivom će se otvoriti komisijski dana, **24.10.2024. godine s početkom u 14:00 sati** u Fondu.

Javno otvaranje ponuda će se održati dana **24.10.2024. godine s početkom u 14:00 sati**, u prostorijama Fonda, adresa Vilsonovo šetalište broj 10, 71000 Sarajevo.

Svi ponuđači, kao i zainteresovana pravna ili fizička lica mogu prisustvovati javnom otvaranju ponuda, uz predočenje odgovarajućeg identifikacijskog dokumenta na uvid Komisiji.

**Fond po ovom Javnom pozivu ne snosi nikakve troškove prijavljenih ponuđača niti obaveze za pripremu ponuda.**

## **VIII INFORMACIJA O ANALIZI PONUDA I DONOŠENJE ODLUKE O DODJELI UGOVORA**

Ponuda koja će se dostaviti od strane Ponuđača treba da sadrži sve tražene dokumente navedene u ovom Javnom pozivu, na način i u formi kako je to utvrđeno. U suprotnom ista može biti eliminisana zbog formalno pravnih ili suštinskih nedostataka.

Fond zadržava diskreciono pravo da s ponuđačima koji su dostavili prihvatljivu ponudu obavi pregovore prije donošenja konačne odluke o izboru ponuđača sa najpovoljnijom ponudom za nabavku poslovnog prostora.

Fond zadržava pravo traženja na uvid dodatne dokumentacije (u formi originala ili ovjerene fotokopije), provjeru iste ili eventualno dodatna pojašnjenja, kao i obilazak poslovnog prostora i provođenje pregovora. Ponuđač je dužan Komisiji omogućiti obilazak ponuđenog poslovnog prostora kao i dati odgovore na sva postavljena pitanja i traženja Komisije u vezi s predmetom Javnog poziva.

Dostava informacija ne obavezuje Fond ni po kom osnovu.

Fond će uzeti u razmatranje samo ponude koje su stigle najkasnije do krajnjeg roka za prijem ponuda određen Javnim pozivom. Sve ponude koje pristignu poslije naznačenog roka, bez obzira kada su poslone, neće biti uzete u razmatranje i iste će biti vraćene na adresu ponuđača, neotvorene.

Fond neće vraćati ponuđaču ponudu koja nije prihvaćena u razmatranju nakon otvaranja ponude.

Ponude iznad maksimalne procijenjene cijene neće biti uzete u razmatranje.

Ponuđač čija ponuda bude izabrana kao najpovoljnija dužan je po prijemu odluke o izboru najpovoljnije ponude omogućiti ovlaštenom stalnom sudskom vještaku građevinske struke po dinamici koju utvrdi i kojeg angažuje Fond da izvrši procjenu nekretnine odnosno procjenu ispunjenja minimalnih uslova traženih Javnim pozivom i procjenu vrijednosti nekretnine.

U slučaju konačnog ishoda postupka odabirom najpovoljnije ponude Fond će po konačnosti odluke o dodjeli ugovora pozvati izabranog ponuđača radi zaključenja notarski obrađenog ugovora kojim će se detaljno regulisati prava i obaveze ugovornih strana vezano za kupovinu poslovnog prostora u Sarajevu.

Troškove notarske obrade kupoprodajnog ugovora snosi Fond.

Porez na promet nepokretnosti Fond će platiti u skladu sa Zakonom o porezu na promet nekretnina i porezu na naslijeđe i poklone („Sl. novine Kantona Sarajevo“, broj 28/18).

## IX OSTALE INFORMACIJE

Zainteresovani ponuđači mogu tražiti pojašnjenje vezano za predmetni poziv pismenim putem slanjem upita na e-mail adresu [info@fond.ba](mailto:info@fond.ba) ili preporučeno poštom na adresu Fonda za profesionalnu rehabilitaciju i zapošljavanje osoba sa invaliditetom, ul. Vilsonovo šetalište broj 10, 71000 Sarajevo, najkasnije do dana isteka roka predviđenog za prijem ponuda. Po isteku naznačenog datuma za dostavu ponuda ponuđači više ne mogu tražiti pojašnjenja u vezi s Javnim pozivom.

Fond ne snosi nikakve troškove ponuđača nastale po ovom Javnom pozivu.

Fond zadržava pravo, u svakoj fazi postupka poništiti Javni poziv, zatim prihvatiti ili odbiti svaku ponudu u bilo kojoj fazi, a sve prikupljene informacije koristiti isključivo u svrhu daljeg postupka nabavke službenih prostorija Fonda.

Javni poziv se objavljuje na web stranici Fonda: <http://www.fond.ba>, a sažetak Javnog poziva će se objaviti u dva dnevna lista koja se distribuiraju na teritoriju Federacije Bosne i Hercegovine i Službenim novinama Federacije Bosne i Hercegovine

Učesnici koji smatraju da su u postupku po ovom Javnom pozivu narušena njihova prava imaju pravo pokretanja parničnog postupka pred nadležnim sudom.



PREDSJEDNIK UPRAVNOG ODBORA

Dr. Senad Pešto

## OBRAZAC ZA CIJENU PONUDE

Nabavka prostora za smještaj Fonda za profesionalnu rehabilitaciju i zapošljavanje osoba sa invaliditetom sa sjedištem u Sarajevu

Naziv / Ime ponuđača: \_\_\_\_\_

ID broj ponuđača: \_\_\_\_\_ ( ako se radi o pravnom licu)

Ponuda br. \_\_\_\_\_ od \_\_\_\_\_ .2024. godine

Opis objekta prostora (adresa i lokacija)	Ukupna površina ponuđenog prostora iskazana u m <sup>2</sup> (upisuje ponuđač)	Jedinična cijena po 1m <sup>2</sup> površine iskazana u KM bez PDV-a (upisuje ponuđač)	Ukupna cijena iskazana u KM bez PDV-a (upisuje ponuđač)
1	2	3	4 (2x3)
Ukupna cijena bez PDV-a			
Popust			
Ukupna cijena sa popustom bez PDV-a			

\*Ako ponuđač nije u sistemu poreza na dodanu vrijednost, u obrascu za ponudu, na mjesto predviđeno za upis cijene ponude s porezom na dodanu vrijednost, upisuje se isti iznos kao što je upisan na mjestu predviđenom za upis cijene ponude bez poreza na dodanu vrijednost, a mjesto predviđeno za upis iznosa poreza na dodanu vrijednost ostavlja se prazno.

Udaljenost od zgrade Vlade FBiH \_\_\_\_\_ km

Blizina tramvajske pruge je \_\_\_\_\_ m.

Preuzimanje objekata/prostora u roku \_\_\_\_\_ dana od dana potpisivanja kupoprodajnog Ugovora.

Mjesto: \_\_\_\_\_ MP

Datum: \_\_\_\_\_

\_\_\_\_\_  
Potpis odgovornog lica ponuđača

Napomena:

- Cijene moraju biti izražene u KM.
- Ponuđač je obavezan u ponudi da navede popust ako je isti odobren.
- Cijena ponude mora da sadrži sve naknade koje ugovorni organ treba platiti prodavcu. Ugovorni organ ne smije imati nikakve dodatne troškove osim onih koji su navedeni u ovom obrascu.
- U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
- Jedinična cijena stavke se ne smatra računskom greškom, odnosno ne može se ispravljati.
- Ovaj obrazac za cijenu ponude je jedna od mogućih opcija.